

## Trebam li pretraživati detetove stvari?

Roditelji uvek razmišljaju i pitaju se da li trebaju pretraživati detetovu sobu ukoliko posumnjaju da dete koristi alkohol ili drogu. Zašto je teško odgovoriti na pitanje "trebam li pretraživati detetove stvari"? Verovatno zbog posmatranja "pretraživanja" s moralnog stanovišta. Vi želite naučiti dete vrednostima kao što su poverenje i poštovanje tuđe imovine i privatnosti, a otvarajući vrata njihove sobe, narušavate njihovu privatnost. Međutim, pretraživanje može zaštititi vaše dete od ozbiljnih posledica po zdravlje (prateće pojave, zavisnost o drogama ili alkoholu), nezdravo ili destruktivno ponašanje, da ne spominjemo ilegalne i kriminalne aktivnosti i moguće probleme sa zakonom.

Vi sami trebate doneti odluku da li ćete pretraživati detetove stvari ili ne – ali, šta god odlučite, morate stajati iza svoje odluke. Ako primetite promene u detetovom ponašanju, neuobičajene mirise koji dopiru iz njegove/njene sobe (kao dim cigarete ili trave) ili mirise kojima nastoji prikriti neke druge mirise kao što su mirisni štapići, mirisne sveće ili neki sprejevi za osveženje zraka, možda je to razlog da pogledate šta se dešava iza zatvorenih vrata sobe vašeg djeteta.

Također, trebate razmisliti koliko ćete daleko otići pri pretraživanju. Mislite li da je dovoljno samo letimično pogledati po sobi – u slučaju da je vaš sin bio nemaran i ostavio nešto na vidnom mjestu? Ili mislite da imate pravo pogledati šta se nalazi u ladicama i ormaru? Šta je s njenim dnevnikom – je li uredu da to pročitate? Roditelji žele pretraživati djetetove džepove, ruksake, automobil ili čak imenik u mobilnom telefonu. Neki roditelji prisluškuju telefonske razgovore svojih tinejdžera.

Roditelji se dodatno brinu da će ih deca otkriti u pretraživanju, pri čemu nisu ništa otkrili. U ovakvoj situaciji trebate pronaći objašnjenje. Recite svom djetetu da niste osećali da mu možete verovati, jer se druži sa nekim s kim vi ne odobravate da se druži isl. (Pročitajte više upozoravajućih znakova za roditelje). Ili ste se zabrinuli zbog njegovog ponašanja i posumnjali da možda koristi drogu. Ukoliko se uverite da vaše dete ne pije i ne koristi droge, ovo može biti dobro vreme da razgovarate s njim/njom o nekim stvarima koje ga/je muče. Svakako je dobro da razgovarate sa svojim tinejdžerom.

Neki roditelji smatraju da je potrebno decu prvo upozoriti da ćete im pretraživati sobu – pa tako neće izgledati kao da ih varate. Drugi smatraju da će deca biti posebno pažljiva kad budu skrivala stvari ukoliko ih upozorite da ćete pretraživati njihovu sobu. Također, neki smatraju da pretraživanje detetovih stvari predstavlja jednostavno loš način dolaženja do saznanja i da roditelji trebaju jasno pitati svoje dete "Koristiš li droge?" Oni smatraju da je postavljanje ovakvog pitanja mnogo direktniji i pošteniji pristup.

Pretraživanje može biti komplikovana misija, jer iako vi mislite da je očito da radite pravu stvar – vašem sinu ili kćeri to neće tako izgledati. On ili ona to mogu pokušati okrenuti u svoju korist i okriviti vas ukoliko

pronađete drogu ili pribor za korištenje droge, jer ste radili "lošu stvar" i narušili njegovu ili njenu privatnost. Ako čvrsto stojite iza odluke da želite pretraživati djetetovu sobu, ignorirajte ovakve argumente. Vi ste mu/njoj rekli da NE dozvoljavate da imaju ili koriste droge – i to je njegova/njena greška zašto ih je donio/donela u kuću.

Neki roditelji smatraju da kada dođe do takve situacije, to je njihova kuća i oni postavljaju pravila. Vaša deca trebaju shvatiti da se pravila koja ste postavili trebaju poštovati i u njihovoj sobi, kao i u ostatku kuće.

Našli ste neku supstancu, ali ne znate o čemu se radi. Naš Vodič kroz droge vam može pomoći.

### Igra skrivača

Tinejdžeri obično ne žele da njihovi roditelji znaju da oni koriste droge – tako da su veoma kreativni kad trebaju sakriti kesicu trave, flašu votke ili tablete ecstasyja, itd. Ispod se nalazi kratka lista mjesta koja se mogu koristiti za skrivanje:

- Ladice za odeću ispod ili između odeće
- Ladice od stola
- Kutije za CD/DVD/audio kasete/video kasete
- Male kutije za – nakit, olovke, itd.
- Ruksaci
- Ispod kreveta
- Zakopano u saksiji s cvijećem
- Između knjiga na polici za knjige
- U knjigama umjesto stranica
- Kutijama za kozmetiku – u praznim karminima ili kutijama od senki
- Ispod dasaka na podu
- U bočicama od lijekova
- U praznim kutijicama od bombona